

Hab. in *Palæstinâ* loco non notato. (Boiss.)

— Planta 2-5 pollicaria, folia majora 3 poll. longa 3 lin. lata valdè revoluta, capitula magnit. *Tr. Olympici* et *pumili*, achenium circ. 6 lin. longum. Affine *Tr. Olympico* quod statim dignoscitur foliis e basi a-tiori attenuatis, acheniis non angulatis et *Tr. acanthocarpo* quod dif-fert caulibus elatioribus ramosis, foliis integerrimis, acheniis ad angu-los longiusculè aculeatis in rostrum crassius brevius sensim nec abruptè attenuatis.

TRAGOPOGON NERVULOSUM Boiss.

Tr. parcissimè floccosum tandem glabrescens glaucum, rhizomate tenui elongato subrepenti nudo, caule humili infernè densè folioso simplici vel ramulo aucto sub capitulo paululùm incrassato, foliis om-nibus a basi linearibus plicatis flexuosis margine integerrimo crispulis rigidiusculis elevatim multinerviis nervis albidis apice setaceo-attenua-tis sæpè circinnatis, involucri phyllis 10 margine subundulatis lan-ceolatis acuminatis ligulas concolores flavas subæquantibus, acheniis subangulatis striatis obsoletè squamoso-muricatis apice sensim in rostrum eis brevius attenuatis, pappo sordido achenium æquanti.

Hab. in Libano circà *Eden*. Legi Julio 1846.

— Planta 6-9 pollicaris, folia inferiora 3-4 poll. longa, 2-3 lin. lata, in-volucri fructiferi phylla sesquipollicem longa, achenium cum rostro 9 lin. longum. A *Tr. Palæstino* facilè distinguitur foliis margine inte-gris evidenter albo-nervosis, acheniis longioribus obsoletius aculeatis in rostrum brevius et crassius sensim attenuatis.

TRAGOPOGON COELESYRIACUM Boiss.

— *Tr.* glaucescens pumilum, rhizomate tenui cylindrico, collo plurici-piti vaginis petiolorum stipato, foliis densè rosulatis e basi latiori plu-rinervi longè et tenuiter lineari-subulatis canaliculatis recurvis mar-gine parcè lanato-hirtulis integerrimis, caulibus scapiformibus folia vix superantibus apice fistuloso-subincrassatis infernè folio uno alte-rove obsitis, involucri phyllis 5 longissimis longè lanceolato-subulatis, acheniis teretibus striatis acutè squameloso-muricatis in rostrum eis paulò longiùs attenuatis, pappo sordido achenio breviori.

Hab. in incultis *Cœlesyriæ* ubi legi fruct. Aug. 1846.

Caules 3-4 poll., involucrum 18-20 lin. longum, achenium 6 lin. ros-

trum 7 lin. circ. longum sub pappo iterum breviter clavato-incrassatum. Species foliis radicalibus a basi 2 $\frac{1}{2}$ –3 lin. tantum latam tenuissime lineari-subulatis insignis foliatione *Stipam tortilem* referens. Involucro pentaphyllo affine *Tr. crocifolio* quod differt collo lanato, foliis basi non dilatatis, acheniis crassioribus brevioribus in rostrum eis dimidio brevius attenuatis etc.

TARAXACUM PSYCHROPHILUM Boiss. in Kotsch. pl. Pers. bor. 1846.
(Sect. *Brevirostria*.)

T. glaberrimum, rhizomate verticali brevi, collo membranis fuscis vestito, foliis omnibus radicalibus patulis angustè lineari-lanceolatis infernè attenuatis integris vel parcè et obsoletissime denticulatis, pedunculis folio brevioribus, capitulis parvis, involucri livescentis phyllis omnibus adpressis glaberrimis inferioribus dimidio brevioribus omnibus breviter membranaceo-mucronatis, ligulis brevibus concoloribus, acheniis læviusculis supernè subattenuatis pappo niveo eis æquilongo terminatis.

Hab. propè lacum in alpibus *Hasartschal* partis occidentalis montis *Elbrus* Julio. (Heldr.)

Habitus, folia angusta integra et capitula parva *T. alpini* et *palustris* quæ formis *T. officinalis* adnumeranda sed ab eis distinctissimum acheniis attenuatis nec rostratis. Accedit ad *T. Bithynicum* DC. quod differt foliis magis dentatis brevioribus, capitulis dimidio brevioribus, scapis lanatis, pappo breviori.

CHONDRILLA ACANTHOLEPIS Boiss. in Kotsch. pl. Pers. bor. 1846.

C. rhizomate duro tortuoso pluricauli, caulibus elatis tenuiter striatis basi sparsim setoso-aculeolatis cæterum glaberrimis glaucescentibus parcè foliosis a medio ramosissimis ramis strictis virgatis longissimis, foliis glabris glaucescentibus infimis subruncinato-pinnatifidis, laciniis triangulari-acuminatis cæteris integerrimis, caulinis linearibus, rameis lineari-filiformibus, capitulis parvis subsessilibus ad partem superiorum ramorum solitariis vel 2–3 in fasciculos dispositis, calyculi minutissimi squamis triangulari-acuminatis, involucri phyllis 8 lineari-lanceolatis angustè albomarginatis sub lente parcè pulverulento-tomentellis secus nervum medium setis aculeiformibus flavescentibus sparsis obsitis, rostro achenium striatum supernè muricatum subæquanti.